

Broj: 01-11/5-1600-10/2020
Sarajevo, 26.11.2020. godine

Na osnovu člana 64. stav (1) i člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), federalni ministar poljoprivrede, vodoprivrede i šumarstva, d o n o s i

O D L U K U
o izboru najpovoljnijeg ponuđača za nabavku računarske opreme za potrebe
Federalnog ministarstva poljoprivrede, vodoprivrede i šumarstva

I.

Prihvata se preporuka Komisije za javne nabavke i nakon provedenog otvorenog postupka ugovor za nabavku računarske opreme za potrebe Federalnog ministarstva poljoprivrede, vodoprivrede i šumarstva dodjeljuje se ponuđaču „KAMER COMMERCE“ d.o.o. Sarajevo u iznosu od 80.921,00 KM bez PDV-a.

II.

Prijedlog ugovora za nabavku računarske opreme za potrebe Federalnog ministarstva poljoprivrede, vodoprivrede i šumarstva dostavit će se izabranom ponuđaču iz tačke I. ove odluke u roku od 15 dana od dana okončanja postupka javne nabavke.

III.

Ova Odluka bit će objavljena na službenoj internetskoj stranici Federalnog ministarstva poljoprivrede, vodoprivrede i šumarstva (www.fmpvs.ba) istovremeno s njenim upućivanjem ponuđačima koji su učestvovali u postupku javne nabavke.

IV.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Federalno ministarstvo poljoprivrede, vodoprivrede i šumarstva donijelo je Odluku o pokretanju otvorenog postupka javne nabavke broj: 01-11/5-1600/2020 od 26.10.2020. godine za nabavku računarske opreme za potrebe Federalnog ministarstva poljoprivrede, vodoprivrede i šumarstva.

Obavještenje o nabavci objavljeno je na Portalu javnih nabavki pod brojem: 855-1-1-16-3-17/20 od 30.10.2020. godine.

Do krajnjeg roka utvrđenog u zahtjevu za dostavu ponuda pristigle su dvije ponude, i to:

- BBS SYSTEMS D.O.O. SARAJEVO
- KAMER COMMERCE D.O.O. SARAJEVO

Sve ponude su blagovremeno pristigle.

Komisija za javne nabavke, imenovana Rješenjem, broj: 10-14/5-418/2020 od 04.02.2020. godine, izvršila je pregled, ocjenu ponuda i nakon provedene „e-aukcije“ rangiranje ponuda prema kriteriju najniže cijene ponude, te konstatovala da dostavljene ponude zadovoljavaju uslove iz tenderske dokumentacije.

Rang lista nakon završene „e-aukcije“ uz primjenu kriterija najniže cijene ponude:

RB	NAZIV PONUĐAČA	KONAČNA CIJENA u KM (bez PDV-a)	RANG LISTA
1	KAMER COMMERCE D.O.O. SARAJEVO	80.921,00	1
2	BBS SYSTEMS D.O.O. SARAJEVO	80.997,84	2

Nakon stručnog razmatranja, ocjene i rangiranja dostavljenih ponuda, Komisija za javne nabavke je prema utvrđenoj rang listi, a u skladu sa kriterijem najniže cijene ponude, utvrdila da je najpovoljniji ponuđač za nabavku računarske opreme za potrebe Federalnog ministarstva poljoprivrede, vodoprivrede i šumarstva, jer je najbolje rangiran i ne prelazi procijenjenu vrijednost za predmetnu nabavku.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

Izabrani ponuđač odabran je primjenjujući kriterij najniža cijena ponude.

U skladu sa navedenim, na osnovu člana 64. stava (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 5 (pet) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.



Dostaviti:

1. Svim ponuđačima u postupku
2. Sektor za finansije i računovodstvo
3. Komisija za javne nabavke
4. Spis predmeta